



萬曆四十八年八月二十一日

巡按山東監察御史陳一本為疲省游羅
奇災海運勢難終事懇乞

聖明

特賜軫念嘉與賑恤以揀肩背重地事職竊惟今
天下所最急者在邊警而所最重者尤在民生
以民生固而後邊警可弭也况今日之山東尤
與遼左共安危者乎遼左之危急天下所明知
而共憫念者也乃東省之危急夫誰知之而誰

念之疾痛則呼天不得不叩懇于

皇上者方今援遼之舉義切同仇東省獨以地近應速偏苦獨累呼馬則勉應以馬呼牛則勉應以牛呼舟車則勉應以舟車呼水陸兵則勉應以水陸兵噉噉予遺忍以供

上不特皮之不存矣而最苦無若海運即淮上天津運事雖同而或由直沽或由丁河口總不能越山東而飛渡蓋州一切守望防禦引領先導皆責成于山東是山東一省而兼數省之困登

萊又以兩郡而彙各郡之艱者也故打造船隻則髡土之毛易買米豆則罄地之產拘集夫役則杜者釋耒而操楫老者負任而倚門此何等時也所恃

天垂默祐予齊土以豐年尤慮三空五盡旦夕莫保今萊之昌平濰掖既苦洪水高密復產異蝗青之蒙日沂莒水災相同臨朐又遭水雹至文登寧海之間海嘯水溢風助兩威房舍桑田漚為沙磧人情洶洶莫必其命職行文往復駁勘

念之疾痛則呼天不得不叩懇于

皇上者方今援遼之舉義切同仇東省獨以地近
應速偏苦獨累呼馬則勉應以馬呼牛則勉應
以牛呼舟車則勉應以舟車呼水陸兵則勉應
以水陸兵噉噉子遺忍以供

上不特皮之不存矣而最苦無若海運即淮上天
津運事雖同而或由直沽或由丁河口總不能
越山東而飛渡蓋州一切守望防禦引領先導
皆責成于山東是山東一省而兼數省之困登

萊又以兩郡而彙各郡之艱者也故打造船隻
則髡土之毛易買米豆則罄地之產拘集夫役
則壯者釋耒而操檝老者負任而倚門此何等
時也所恃

天垂默祐予齊土以豐年尤慮三空五盡旦夕莫
保今萊之昌平濰掖既苦洪水高密復產異蝗
青之蒙日沂莒水災相同臨朐又遭水雹至文
登寧海之間海嘯水溢風助兩威房舍桑田漚
為沙磧人情洶洶莫必其命職行文往復駁勘

登州道
海運撫札
未據類詳頃撫臣報災疏中固已逼真流民之
圖幾下吞蝗之淚即濟兗之被災稍輕而化儼
之受禍均慘

皇上披覽之餘能不以憂遼者憂東土哉况東土
有年則海運可行即遼可恃以為命東土不支
則海運何出即鞭撻以赴恐無米難炊嗟嗟欲
存遼東可一日忘東土哉

祖宗朝所以優恤東人者姑不具論即四十三年
大饑

欽遣台臣截漕

發帑以延東人旦夕之命靡不曲至是東土今日
之二三遺黎皆

皇恩所留也以故加之征調則濟若同舟驅之風
波走死如鶩今日海運夫非感戴

皇恩所激而好仁好義之明驗耶不謂皮骨僅存
之民又丁水旱交迫之厄二東六十萬粟豆何
由取辦三韓數十萬兵騎何以資生且遼左方
值旱災士馬屢聞倒損經臣泣

請幾于舌敝血乾餉巨傳檄何啻渴飲饑食職與
撫臣目繫身嘗真不知涕之何從而謀之安出
也惟有呼

天陳乞以冀

皇上曠蕩發賑咸編救此一方民而已疏已具
接海防道詳據文登縣申稱七月初七八等日
海鳴龍鬪黑雲連天颶風捲地操舟人後膽碎
魂驚以致運艘激撞軍糈漂沒糧失數萬浮屍
半百其餘與波上下者未可數計也而青濟二
府祿運損傷續報相同職一聞之頓足隕涕幾
廢寢食除批行該司道嚴查的確另行會
題外事關地方災危勢切遼左命脉伏乞

聖明特賜軫恤

初部獲議施行



原件短缺

祖宗已試之法何遂不可倣而行之獨無柰議立
于初見之時則聽者縮舌法復于久廢之後則
觀者改容人又新募或望洋而先逝誠有如台
臣所慮者今合從台臣之議止截留糧米至海
州換船者聽其開發未換船者以原船運至天
津照原派遼東地方交卸如額而止起脚剝運
與雇募船夫之費准自任之苟可果遼東之腹
臣部亦但求功之成事之濟耳豈其必欲驅淮
之民于不敢擬足之巨浸哉然由津之入海亦

非堅整巨艦不可以赴洪濤非高大蓬桅不能以任風力則顧淮人之早為計也若目前打造不及或在浙江福建海船以濟一時至添設道臣則斷不可緩道臣之理海也必日夜拮据相機度勢使全海入于腹中而後可以酌盈縮之宜妙緩急之用徐淮兵備岳駿聲精神才望固足以兼之然一人之身耳奔馳南北地遠而勢難週簿書期會動經旬月萬一有緊急事情利害在呼吸間者何以應之豈若如台臣所云添設海運兵備官一員駐劄淮安往來津門間專理運務無他事以牽其慮則其志不分有專務以責其成則其功自倍總之臣部總司天下之大計而必得在外任事之臣淮漕雖據運道之中樞而又當講登州以北之路專理道臣之設無容再計前議准徐道兼攝者亦祇為國家節財恐多一官之費今台臣謂有新裁之益法道與議裁之漕鎮舊額可以轉移無煩征派又何慮焉但職掌在吏部非臣所敢擅議是宜

勅下吏部為之議設耳伏乞

皇上

速允台臣之

請使遼東一帶早收士飽馬騰之效于以震威靈
而張捷伐小醜不足平矣

欽差整飭登州海防總理海運兼管登萊兵巡屯
田道山東等處提刑按察司副使陶 為海運
必難遞增等事萬曆四十八年八月二十六日
蒙

欽差專督遼餉戶部左侍郎兼都察院右僉都御
史李 案驗前事准本部咨山東清吏司案呈
奉

本部送准 督餉部院李 咨稱乞將登州
府京邊准作海運銷筭而以別府拖欠遼鎮者

解部抵數庶海運得以曲全等因到部送司查
得東省該京邊一百餘萬而居九邊四分之一
近因拖欠邊官擁門號呼不可輕那一也若那
動則分數不完而東拉西扯查參不便二也州
縣年分倉口一切混淆不得清楚三也是以每
每議及京邊不敢輕諾為是故耳豈好膠柱哉
即如今議將拖欠遼鎮者解部抵數固是一策
然遼鎮近因增餉催檄告急絡繹不休據遼撫
催促若有脫中之變在目前者是遲解猶不可
而況不解乎且即為抵數年分何以分別倉口
何以認填終屬不妥若要清楚必將抵解銀兩
仍行司府俱照登府所動京邊倉口年分一一
填解庶無混亂可也再照東省止為海運一肢
而本部兼為九邊計為九邊則舊額不敢欠而
遼則新編不敢欠是以昨咨議將四十六年加
派徑為豁免其已解已完者俱作四十七年分
其四十八年見徵必要全完又將糶穀銀十萬
餘兩可佐海運以甦小民疊徵之苦而使海運

用而有餘以作目下預收來歲之資則部中之
議亦可為委曲體諒非泛泛然空談也既經督
餉部院咨請前來相應咨覆或如所議將拖欠
遼鎮者解部抵數或如所議將所糶穀銀解部
抵數總期海運無誤而京邊無虧耳主堂奉批
昨日覆疏業已有成議只照覆疏行庶乎簡易
清楚再酌議咨覆奉此又該本司查得東省海
運六十萬石據議用銀六十萬兩已有其半先
咨稱欠三十萬兩今咨稱欠二十六萬兩以四
十八年加派五十四萬餘兩任其支銷餘剩以
為來歲糶資又將糶穀銀十萬餘兩佐之論理
亦為不掣其肘今督餉部院東省撫道諄諄為
言亦恐加派一時未得如數徵完合將京邊暫
動二十餘萬將本年加派隨即抵補起解庶海
運不悞而查叅亦不致稽遲矣呈堂奉批京邊
酌量暫動以本年加派抵補雖云銀各有抵但
京邊所需甚急且已奉

旨難動而可輕移乎况東省加派該銀五十四萬

而海運止欠二十六萬兩再以糶穀銀十萬佐
之何事苦不足者而必欲動京邊耶既稱撫道
諄諄為言姑將京邊暫移十六萬以資其運即
以本年加派起解抵補萬不可圖京邊之見在
緩加派之催徵也其海運銀尚有不足者十萬
仍于加派支取若分厘不厝止靠京邊豈九塞
之脫中不足虞而二東之派額可推諉乎此非
同舟共濟之誼也各移咨行奉此案呈到部咨
覆前來准此擬合就行為此案仰本道轉行所
屬各府州縣查照本部咨覆事理一體遵行務
足六十萬之數毋悞遼餉責有攸歸抄案依准
呈來

一案行登萊濟青四府

蒙此擬合就行為此案仰本府官吏照依
咨覆案驗內事理即便轉行所屬州縣着
實遵行及時發運務足六十萬石之數毋
悞遼餉責有攸歸

一牒 布政司

蒙此除嚴行登萊濟青四府各着實遵行
及時發運務足六十萬石之數外竊謂
部咨之言海運不啻詳而其計美錢糧亦
毫無缺矣但本道日惟督責餘艗之役東
省錢糧向無與聞故動支新舊餉銀運用
及抵還京邊等項毫無頭緒惟日見登萊
兩郡告還告借稱苦稱屈而已矣今將咨
中所載海運關鍵暨已前奉到咨文有開
濟海運而海運未得其用者逐一摘出款
頭臚列明白擬合牒請為此備將前項緣
由合牒

貴司煩將後開條款悉賜查明希擲回示
庶便取用亦便抵還倘用不敷而那借亦
可措詞彼此兩有下落乞為查照施行
計開

一咨開東省海運六十萬石據議用銀六
十萬兩已有其半先咨稱欠三十萬
兩今咨稱欠二十六萬兩

登州道
前件乞查先今兩咨稱欠銀兩見今某
府州縣各欠若干一一詳示以便
行取濟運

一咨開以四十八年加派銀五十四萬餘
兩任其支銷餘剩以為來歲糶資又
將糶穀銀十萬餘兩佐之

前件乞查糶穀銀兩見貯何處是否數
盈十萬餘兩海運不敷應于何處
取用希煩悉示以濟急需其四十
八年加派之五十四萬除登萊十
萬已用餘毫釐不曾支用不知見
在何處

一咨開撫道諄諄為言姑將京邊暫移十
六萬兩以資其運即以本年加派起
解抵補

前件乞查咨准暫移京邊十六萬兩應
于某府移發若干幸速垂示併煩
速發

一查咨開東省加派該銀五十四萬兩此
即歲額準繩也

前件乞查既每年有五十四萬兩則四
十七年之所徵應有五十四萬發
給本道充作四十八年糴本并船
價水脚價矣今乃件件是借項項
是賒今更至於借無可借賒不肯
賒濟青登萊俱各束手稱無一文
錢可以動支此項要見貯在何處
欠在何府州縣幸賜細數以便催
用

一查咨開議將四十六年加派徑為豁免
其已解已完者俱作四十七年分其
四十八年見徵必要全完

前件查得山東一省新餉乃四十六年
冬間奉

旨州縣徵有新餉者甚少如登州一府惟福山一
縣全完其他並無分毫

部中接作四十七年者不知通省應
有若干四十八年又有額該之五
十四萬不知完者若干欠者若干
完者何府何州縣欠者何府何州
縣照

部文則糴運之銀本道不當稱乏據
本道見今則錢糧毫釐無處而近
日又煩

貴司求借求移不知病根安在乞賜

明示

以上俱今咨條目

一 本年二月二十八日一件懇乞

明旨速允督餉條陳等事奉

軍門王 案驗准

督餉部院李 咨准

戶部咨開其濟南一府州縣近東者准
將漕糧暫行改折一年即以其銀買
米登萊以供遼運原行併行濟南道

前件查得今年海運以來絕無支用此
銀不知積有若干見貯何處其所
改折者是何州縣統希明示併賜
催發以濟急需

一本年七月三十日一件海運增繁等事
奉

軍門王 案驗准

戶部咨開海運漸已就緒遼事結局無
期一歲之輸僅供一年之食則預為
運轉之計豈容遲緩况山左旱澇靡
常苟遇凶歲并合皆珍是必于豐收
之歲廣為糴貯以待來年庶糧餉不
致中絕而海運可以長行查該省有
四十八年加派之銀分毫未經起解
若盡留為預糴之用儘可充裕

前件本道先是慮及於此業馳檄有司
搜措糴積以待來年而適奉此文
深協素心第巧嬾不能炊無米之

海運摘抄 二湯九
粥况其拙乎其所望于主持請發
金錢濟糴資于日今飽遼軍于來
禩者尤賴

貴司接濟今近海東三郡全荒矣
撫臺所謂粒粒皆珍者業已應驗然
目下尚在秋期未至絕粒雖粮價
日騰猶堪收糴倘再遲一月則雖
願出貴價而無粮可糴矣本道前
日所以乞速發二十萬金預糴以
便開春接運也今

部文有動京邊十六萬之議則發銀
不患於無名開銷不患於無款矣
幸惟速發或應在某府出者乞示
一確文以便本道徑催濟用

萬曆四十八年九月初一日

欽差整飭登州海防總理海運兼管登萊兵巡屯
田道山東等處提刑按察司副使陶 為查明
遼糧收卸確數以便銷筭事照得遼左急缺軍
糧額派山東六十萬石今據濟南府報運過七
萬八千七百九十四石八斗零青州府報運過
九萬八千三百七十八石六斗零登萊兩府各
報運過二十二萬五千石則於原額不啻過之
近日馬頭嘴雖有傷去四萬一千餘石而續奉
督餉部院嚴催為急缺料豆等事本道又續派

四五萬石於濟青十餘萬石於登萊隨據蓬萊
縣報開洋過三千六百石黃縣報開洋過一千
六百一十五石九斗零萊陽縣報開洋過一萬
石寧海州報開洋過五千二百四十九石八斗
濰縣報開洋過四千五百一十六石三斗八升
平度州報開洋過六千石昌邑縣報開洋過二
千二百四十三石九斗零則於續派者又完過
三萬三千餘石統計六十萬之外本道發運不
但溢額且溢額之溢額矣乃遼左動咎山東以
缺糧方思之不得其解昨據解糧回登官表應
科沈萬里韓夢豸葛得勝等稟稱遼糧雖領有
實收其實此糧尚在崖上蓋套倉廩俱滿已不
能容並無乏糧之事又據收却登糧千總周裕
德榮若琳揭稱今年遼糧甚多恐車牛搬運不
及尚存在岸者四十萬未運若再運來恐明年
一春亦搬不完不若姑且停運為便等因夫遼
左方責我以缺糧而在遼之官乃稟堆積有四
十萬之多遼稱日夜望糧而監收之官乃稟稱

免運為便以此思缺缺可知也合行嚴查為此
牌仰本官照牌事理即差的當官員到彼嚴查
不拘山東天津各糧要見運到蓋套在倉者若
千萬在崖者若干萬內米若干萬豆若干萬雜
糧若干萬逐一詳細開揭呈報前來以憑查考
文到火速遵行先將差官姓名起行日期報查
毋得延緩未便須至牌者

一牌仰登萊兩海防廳

萬曆四十八年九月初十日

萬曆四十八年九月十八日

青州府樂安縣為天降異災颶傷船隻漂失糧
石滄死人役事奉本府帖文蒙

欽差分巡海右兼整飭青州等處海防兵備管理

屯田山東布政司右叅政兼按察司僉事魏

案驗蒙

巡按山東監察御史陳 批據登州海防道呈

前事仰縣照依案帖內事理即查該縣運糧船
隻有無傷損糧石曾否漂失作速查明具由申

府以憑轉報等因奉此本縣二運蘇應夏等船
八隻於本年七月初十日開洋去後據運官揚
先聲關稱於本月十九日未時船至利津縣絲
網口陡遭風浪將船打碎傷船六隻漂失米豆
三千三百九十九石八斗七升七合關稱到縣
等因隨差快手馮東作并委新鎮場大使趙一
俊嚴查結稱委遭風浪損失船糧並無別項情
弊本縣覆勘相同為照是日也颶風驟至砂石
挾屋瓦而齊飛海水簸揚波浪薄青天以高湧

風擁水陣捲地排山水借風威轟雷掣電潮頭
乍起舳艫隨雪濤翔空突出雲霄潮勢忽平艘
艇偕回瀾墮地深入泥窟逐波上下高低歌正
任漂流信風折旋東西南北難分辨雲黑霧罩
鬼神皆為泣號斗黯月昏蛟龍亦為震動舟師
眉橫目瞪欵乃之音寂無大眾魄落魂消叫哭
之聲哄起底着淺閣何堅不摧幫互擊衝無觸
不破傾刻桅折帆墜慘若六丁五雷之拉朽木
片板無存須臾豆散米沉淒如飛電急雨之打

殘花一粒莫有惜哉舸艦六隻未得渡遼左而
壞鮫官傷哉糗糈三千不以飽遼軍而果魚腹
信是從來未有之變經今創見之災也所幸運
官糧夫携櫓登岸猶微死地之生其餘兩船入
糧漂泊深洋未至溝中之斷雖遭風時日去開
洋時日刻逾八百週損糧地方離樂安地方路
隔三百里早縣似可稍逭其責獨是早縣自春
徂夏殫心畢慮日省月試而成此船小民車輓
有負竭勛輸力冒暑流汗而運此粟而一旦俱
化為烏有官民徒受勞苦而無濟於遼左之軍
興也用是不能無盡心酸鼻者矣此皆早職奉
職無狀所致除一面痛自修省外今將傷過船
隻失過糧石據實造報懇乞照例開銷緣係傷
損船糧事理本縣未敢擅專擬合申請為此今
將前項緣由理合具申伏乞照詳施行
本道詳批海運傷船失糧勢所必有此宋元以
來所由屢行而屢報罷也否則漕河可無濬矣
斯寔海若為政該縣有何咎焉獨可嘆幸災樂

禍者動謂海船造果堅固便可出入礁呀不碎
船用民間自造者使人各自為而不致損傷殊
不知天之不可以力爭而龍之不能以人鬪也
蘇應夏等船夫非其自造者耶胡為亦致傷沒
也傷過糧石照東征例徑准開銷船隻堪修者
借給官銀速修有力能再造者亦速借水脚踏
一造統候照例扣還該縣查明另報此繳

舊曆四十八年八月十五日

欽差巡撫山東等處地方督理營田提督軍務都
察院右副都御史王 一本為海運地方海
報災傷仰祈

聖恩軫念以存孑遺以完運務事據萊州府屬昌
邑縣申稱本縣各社居隣淮河地方形勢窪下
每恃堤防不料五月二十日至六月初一日水
發三次決堤潰堰澎湃汪洋田畝為沼夏麥黍
穀菊秫花豆盡被水嚙蕩然一掃俯仰奚厯間

里痛苦男婦驚惶半度州申稱五月十四等日
霪雨淋淋二十八九不止麥黃洪水亘古奇患
皓首莫聞已實花麥盡被水灘泥壓即登場者
亦皆浥爛未秀秋禾俱被淹沒百姓有待死之
期無望生之日維縣申稱自五月十五日落雨
連綿不止河水泛漲房屋盡倒田禾淹沒未收
二麥衝壞顆粒不獲夏秋無望錢糧何辦掖縣
申稱今五月十三日霪雨連綿五月初二日
方止平地水深三尺熟麥被淹秋田絕望遍野
悲號束手待斃乞林倒懸高密縣申稱各鄉池
田蝗蝻萌生本縣驗看土如簪孔蝗子湧出紅
黃叢雜滿地駭人湯火焚澆不滅連日擊打不
消日漸長成所到之處田苗盡為一空又值霪
雨漲渤萬頃汪洋高田為虫蠹之巢食下田為
雨澤之汙池舉目慘傷民生無倚又據青州府
屬蒙陰縣申稱本縣人民前遇凶荒元氣未復
今歲麥秋天降瘴痺二麥成糠五月兩作禾稼
淹沒嗣後暴雨如傾動連晝夜六十餘日不止

膏腴盡為深谷宅圃半隨波濤民無棲止野無
半菽

國稅無措民命難堪日照縣申稱本縣僻處海濱
地土硠薄自五月以來靈雨異常四旬不已麥
雖割而皆爛豆已種而半湮禾稻盡傷黍穀無
望沂水縣安丘縣莒州申報水災大率相同臨
朐縣申稱水雹大降落地尺餘麥穀等項田禾
盡行打碎壓沒或蠲或賑免致流離臨淄縣申
稱七月初二日大雨如傾河水氾漲房屋倒塌

并衣物雜糧田禾盡皆衝沒錢糧難辦餬口無
資壽光縣申稱各社地土居鄰堯單渾晚四河
下稍連遭霖雨水接通河平地三尺田禾盡滄
房屋倒塌老幼震野嚎天遍地一方大劫濟南
府屬蒲臺縣申稱五月二十七日滿天昏暗遍
地溷黑狂風大作田禾盡偃樹木皆拔所居房
屋蕩然若掃一切器物俄焉盡空又被水雹打
傷甚慘萊蕪縣申稱入夏靈雨連綿山水建瓴
而下溝壑道路忽成江河有暮夜水湧不知防

禦而牛畜漂流者有破屋敗垣忽經倒塌而夫
妻壓死者生負畢維址為洪濤衝去竟作波臣
而水濱不可問矣鄒平縣申稱連歲旱蝗未獲
半收不意今歲禾苗頗稱豐茂乃陰氣鬱蒸子
蝗叢生河伯肆虐水患殊常二害交侵秋成無
望不惟私家之餬口無資抑且公家之賦稅何
出又據兗州府屬鄒城縣申稱本年五月十四
日大雨如注連綿終日至二十八日大雨盆
傾晝夜不息又加沂沭兩河洪水泛漲堤岸衝

決肆逆橫流平地水深數尺凡二麥在場堆積
者俱被腐爛漂流黍稷秫豆等禾滄沒一空秋
成失望沂州嶧縣費縣申報水災大率相同又
據登州府屬蓬萊福山寧海三州縣申稱自夏
至秋雨澤不降所種穀黍豆田盡皆枯槁有種
無收三秋失望萬姓驚惶人思逃竄寧海州復
以風災海水盡溺文登縣申稱本年六月十八
日稍得微雨尚謂不足正值伏期亢旱半日有
奇諸禾焦枯至七月初五月初六日幸落小雨

各夜俱有海鳴聲聞百里居民驚異至初七日
亥時狂風驟起初八日寅時人皆見有黑氣數
條狀如烏雲斜天海風愈加大作翻天吼地飄
瓦堆墻盡日撤夜不止折倒大樹二三百株小
樹不記其數飄拆民屋一百餘間打死牲畜一
二百隻掃空田禾數千餘頃黍穀穠已熟之粒
刮落無存黃黑豆秫稻未熟之禾盡行打爛風
狂海嘯泛濫一十餘里但係潮過地畝盡皆鹹
鹵百草不生時值秋成遭此大變不獨目前枵
腹今歲糧徭粉骨莫措晝夜嚎天無計存活等
因各乞要委官查勘蠲賑緣由到職除批行各
分守道踏勘外卷查先准戶部咨開如遇災傷
巡撫先行

奏報巡按一面查勘得實具

奏造冊送部以憑議免議賑等因遵行在卷今據
前因該職看得今歲春曠無薶兼之海運括粟
甚急民間突不得黔職備述民難疏入不報藉
有天幸濟南東昌兗州三郡秋穀已升少補春

收三歉間有被災若蒲臺鄒平萊蕪郟城沂費
峰等州縣職諭廳屬曰歲無全稔惟多方恤民
苟足存生軍興孔亟勿以災聞也孰意登萊青
三郡春冬無收夏災更甚初既苦旱已復苦霖
積雨衝垣破堰平田立變陂塘山水激石流沙
窪地頃成谿壑高密紅黃之蝗種既藉雨師以
殄滅而沿海尺餘之冰雹又因風伯以括傷甚
而烏雲黑颶震吼地之雷聲因之白粲黃粳成
盪空之波浪大樹拔根曷問遭颶之殘粒生畜
倒斃何有汜濫之浮丘民方渡海以運軍糧歸
而視其田里則板蕩矣廬墓則成沿矣養生送
死之需一無所憑依矣如是而民安得不逃民
逃而

國賦何從乎矧新編又倍昔而為之也民逃而海
運何從辦乎矧海運議又倍昔而為之也職至
不才庸醫之療疾緩急不能因時有指難予並
顧元氣空虛既乏安和之劑肢體痿痺要無強
固之方括瘠鹵膏以充餉而天又靳其所生駭

波濤之民以瞻邊而

國又窮其所有東作西成之失望而南箕北斗之
空懸彼天下之至苦者莫如遼人然遼人賊來
則戰賊去則休而東人之牛馬負芻無休息也
遼人暴骨沙場遊魂有棲止而東人之納命大
壑無棲止也遼人戰勝則賞賚東人之渡海去
來未聞賞賚也遼人之守邊久戍舉

朝怵恤而東人之薰蒸憔悴未聞優恤也加餉則
一例科派而與海內之樂土同輸抽括調募罪
贖則一律誅求而比各省之紛紜更甚六十萬
石之糧不知銀于何出而欲責無米之炊六七
八年之賦不度民之不堪槩而行束濕之令今
日之筑筑無告而莫于甚東民所為如

天之戴惟

皇上之垂憐耳職查

本朝

令甲凡水旱災傷去處有司若不以聞許耆老連
名赴

京申訴災由以憑賑恤有司罪以極刑洪武間發鈔二百萬貫往山東各州縣預備糧儲置倉遇凶歲賑給宣德間以山東旱荒停罷顏料於時大工甚急部臣執奏不允天順間山東飢發

內帑銀四萬兩賑濟即萬曆四十三年發

內帑截漕糧以拯山東人相食之飢饉是東省荒

多熟少屢屋

宸衷從來倍于他省今日窮海之民不愛膚髮以

濟危邊豈非

祖宗德澤之遺鼓好義急公之報哉

高皇帝之諭侍臣曰治民猶治水治水者順其性

治民者順其情人情莫不好生惡死當省刑罰

息干戈以保之莫不厭貧喜富當重農時薄賦

歛以厚之莫不好佚惡勞當簡興作節徭役以

安之大哉

皇言今驅民于海是以死道驅之而其貧而無賴

勞而罔節惟此時為然矣日下西郡雜收運之

于海則甚遠全藉東三郡之豐熟而同時告沴

申文踵至職不獨為齊民憂而深為遼餉憂兼
之逃兵竄匿潛踪人心搖動禍機阨伏職有封
疆之責日夕圖維慮深叵測再查青登萊三郡
原無漕糧無可改折而海運濟遼又以地隣壤
接義難推諉倣之往例凡遇災傷議免存留錢
糧今之所謂存留者不過軍糧兵餉官員之俸
廩各役之工食也軍兵嗷嗷待哺而捐俸糧抽
工食分釐待解存留無毫忽之可蠲欲加惠於
災民惟望

皇上暫免災地之新編量減海運之糧數至于本
省民間積穀原以備荒非為遼餉而設今沿海
既因海運借動而內地又轉運煩難該部有碾
穀三十萬石抵海運米十八萬石之議奪吾民
口中之食救他人眼下之飢竊念遼左自有新
編合天下以供遼遼何括荒地之儲益甚窮民
之窘職斷斷不能奉行尚欲存此子遺以膺飛
輓之促何忍坐視任民之流亡而甘餓死也伏
乞

登州道
海運
開九
勅下戶部轉行巡按御史將前項被災各州縣及
有續報者一併覆加查勘的確分別災傷重輕
災重者將新編遼餉暫從停免仍于海運六十
萬之數量行酌減倉穀存留發賑免碾米濟運
其海運錢糧不足令該部速覆職前疏亟發價
值俾運船立刻開洋運至蓋州交割則職得藉
手以救危遼而不負
朝廷之委任矣

欽差整飭登州海防總理海運兼管登萊兵巡
田道山東等處提刑按察司副使陶 為預計
春運事照得山東海運至明年而四濟遼矣然
而中間事宜歲各不同相度調停難拘成法如
初年半月之內議行議止三奉

明綸欲運欲速汜無船糗本道發行於深秋竣事
於冬仲此草創之規模也如次年原議止運八
萬本道預備十萬而

計部修增為十六萬本道又偶運至二十二萬

船本無而忽有粮本乏而忽贏一時同事始疑
終信此變幻之端倪也又如次年原以二十萬
增為三十萬地方業已不堪忽於三十萬之外
又增三十萬倍而又倍難之愈難以船則止初
年八萬之船也以錢粮則止次年二十二萬之
錢粮也以年穀則山礁磽确而出產有限徵收
本色而盖藏一空矣再加以今年之水旱互異
風雹繼至千里如燬寸草不生即欲如草創之
八萬不可得乃有六十萬之

明旨不可違更有本地方加貴免加編之說而登
菜四十五萬之運不可免欲灑本色於他郡則
慮本郡有加派之徵欲認本色於本地則慮窮
民有懸罄之患左顧右盼計無復之今幸糴買
兵糧之說行而遼粮有設處之路矣但遼以急
缺料豆馬死過多又遼地全荒斗米三錢尚欲
本省於冬月行海運可至明年解凍而無船到
套耶合行預計為此牌仰本府官吏照牌事理
即將該府明年額運米豆二十二萬五千分派

船本無而忽有糧本乏而忽贏一時同事始疑終信此變幻之端倪也又如次年原以二十萬增為三十萬地方業已不堪忽於三十萬之外又增三十萬倍而又倍難之愈難以船則止初年八萬之船也以錢糧則止次年二十二萬之錢糧也以年穀則山礁磽确而出產有限徵收本色而蓋藏一空矣再加以今年之水旱互異風雹繼至千里如燬寸草不生即欲如草創之八萬不可得乃有六十萬之

明旨不可違更有本地方加貴免加編之說而登萊四十五萬之運不可免欲灑本色於他郡則慮本郡有加派之徵欲認本色於本地則慮窮民有懸罄之患左顧右盼計無復之今幸羅買兵糧之說行而遼糧有設處之路矣但遼以急缺料豆馬死過多又遼地全荒斗米三錢尚欲本省於冬月行海運可至明年解凍而無船到套耶合行預計為此牌仰本府官吏照牌事理即將該府明年額運米豆二十二萬五千分派

各屬照其豐歉以爲多寡卽以派糧之數合筭船隻如其縣派糧五萬應用千石船若干隻八百七白石船若干隻四五百石船若干隻遠者分爲三運近者分爲四運假如五萬石分爲四運則每運應裝糧一萬二千五石石卽以堪裝一運之船湊撥勒令務行四運遲滯不完縣官自任其咎所派之船卽泊該州縣海口歲內應領修艙守凍銀兩卽於該州縣支給預爲完備一俟凍解卽便開洋至於糧食一項有宜徵者

有宜糴者任從其便糴者州縣無銀准於府庫借請府庫無銀准於本道詳發統候於新餉銀內及新奉

部咨京邊內借湊務要急速料理毋致後時海防廳仍親行州縣分派妥當具文回報勿得怠緩悞事責有所歸該府總其大綱仍一體嚴督俱毋違錯未便須至牌者

一牌仰登州府并海防廳

一牌仰萊州府并海防廳

各屬照其豐歉以爲多寡卽以派糧之數合筭
船隻如某縣派糧五萬應用千石船若干隻八
百七百日船若干隻四五百石船若干隻遠者
分爲三運近者分爲四運假如五萬石分爲四
運則每運應裝糧一萬二千五百石卽以堪裝
一運之船湊撥勒令務行四運遲滯不完縣官
自任其咎所派之船卽泊該州縣海口歲內應
領修船守凍銀兩卽於該州縣支給預爲完備
一俟凍解卽便開洋至於糧食一項有宜徵者
有宜糴者任從其便糴者州縣無銀准於府庫
借請府庫無銀准於本道詳發統候於新餉銀
內及新奉

部咨京邊內借湊務要急速料理毋致後時海
防廳仍親行州縣分派妥當具文回報勿得怠
緩悞事責有所歸該府總其大綱仍一體嚴督
俱毋違錯未便須至牌者

一牌仰登州府并海防廳

一牌仰萊州府并海防廳

萬曆四十八年九月二十二日

欽差整飭登州海防總理海運兼管登萊兵巡屯
田道山東等處提刑按察司副使陶 為查議
造船以濟運務事照得海運乏船以取造遠方
多費時日先該本道查將漁戶督令造船供運
已有成例今查昔年本道守郡時曾招開島田
島內種田佃戶庄頭等人歷年取有厚獲而所
納不過微租得利收息不下于漁戶况彼每年
行走海路習熟水性以之造船走海必保無虞
合行查造為此牌仰本府官吏照牌事理即將

北島種田人戶逐查原認狀姓名將各佃戶庄頭拘集面議行令照漁戶造船事例佃戶共若干名應造船若干隻預領水脚刻期成造領過官銀即於水脚內陸續扣還文到火速查明報道批發督造施行毋得遲悞須至牌者

一牌仰登州府

泰昌元年十月初十日

山東等處提刑按察司整飭登州海防總理海運兼管登萊兵巡屯田道副使陶 為派運遼餉事准

山東等處承宣布政使司分守海右兼督遼餉道右叅政陳 手本前事照得東省海運歲該六十萬石登萊各應運二十二萬五千石青濟各應運七萬五千石俱有成數其各屬州縣止宜照額分派以便徵輸催運合行移會為此煩將青登萊三府所屬來歲應運遼餉速照原額

北島種田人戶逐查原認狀姓名將各佃戶庄頭拘集面議行令照漁戶造船事例佃戶共若干名應造船若干隻預領水脚刻期成造領過官銀即於水脚內陸續扣還文到火速查明報道批發督造施行毋得遲悞須至牌者

一牌仰登州府

泰昌元年十月初十日

山東等處提刑按察司整飭登州海防總理海運兼管登萊兵巡屯田道副使陶 為派運遼餉事准

山東等處承宣布政使司分守海右兼督遼餉道右叅政陳 手本前事照得東省海運歲該六十萬石登萊各應運二十二萬五千石青濟各應運七萬五千石俱有成數其各屬州縣止宜照額分派以便徵輸催運合行移會為此煩將青登萊三府所屬來歲應運遼餉速照原額

數目分派某州縣應運若干希會過道以憑查照催督施行准此爲照派運有額而派徵派糴因之自是成規然亦有通融哀挹以濟時勢之窮者如登州府屬雖派二十二萬五千今歲全荒各屬無糧全賴糴之青州而私糴又苦於無銀故令有司於徵收本色時兼爲糴計待徵得之日行登州解銀還青故於青州不拘原額特派十五萬石至於青登萊三府某州縣應該若干仍聽該府酌派報查然派徵之法寧寬其數以備不時之須倘遇便風即陸續運去接作明年之數以防明年或有風沮船失斯爲妥當此已前各年皆用此法者故遼左不得以士馬飢疲委罪於山東耳今惟候

貴道酌裁今准前因擬合移覆爲此合用手本前去

貴道煩爲裁酌施行

一手本 萊州道

泰昌元年十月十四日

數目分派某州縣應運若干希會過道以憑查照催督施行准此爲照派運有額而派徵派糴因之自是成規然亦有通融裒挹以濟時勢之窮者如登州府屬雖派二十二萬五千今歲全荒各屬無糧全賴糴之青州而私糴又苦於無銀故令有司於徵收本色時兼爲糴計待徵得之日行登州解銀還青故於青州不拘原額特派十五萬石至於青登萊三府某州縣應該若干仍聽該府酌派報查然派徵之法寧寬其數以備不時之須倘遇便風即陸續運去接作明年之數以防明年或有風沮船失斯爲妥當此已前各年皆用此法者故遼左不得以士馬飢疲委罪於山東耳今惟候

貴道酌裁今准前因擬合移覆爲此合用手本前去

貴道煩爲裁酌施行

一手本 萊州道

泰昌元年十月十四日

山東等處提刑按察司整飭登州海防總理海
運兼管登萊兵巡屯田道副使陶 為派運遼
餉事准

山東等處承宣布政使司分守海右兼督遼餉
道右叅政陳 手本准本道手本前事為照派
運有額而派徵派糴因之自是成規然亦有通
融裒挹以濟時勢之窮者如登州府屬雖派二
十二萬五千今歲全荒各屬無糧全賴糴之青
州而私糴又苦於無銀故令有司於徵收本色

時兼為糴計待徵得之日行登州解銀還青故
於青州不拘原額特派十五萬石至於青登萊
三府某州縣應該若干仍聽該府酌派報查然
派徵之法寧寬其數以備不時之須倘遇便風
即陸續運去接作明年之數以防明年或有風
沮船失斯為妥當此已前各年皆用此法者故
遼左不得以士馬饑疲委罪於山東耳今惟候
貴道酌裁今准前因擬合移覆為此合用手本
前去煩為裁酌施行等因移會到道為照海運
宜依部額不可縮于六十萬之內亦不可增于
六十萬之外其風波損失之數自應准作實數
似不必預為多運以補其缺且以荒歲民疲一
年支撐一年尚且不足似難多運接作明年以
不足而故示有餘也又前者因派無定額通融
衷挹以致錢糧難清焚如亂絲不可究詰且州
縣亦有存留供應之數按季支給若盡那之於
海運則措手為難各府亦有支存民屯之數以
備不虞若盡借之於海運則捉衿立窘鄙見謂

時兼為糴計待徵得之日行登州解銀還青故
於青州不拘原額特派十五萬石至於青登萊
三府某州縣應該若干仍聽該府酌派報查然
派徵之法寧寬其數以備不時之須倘遇便風
即陸續運去接作明年之數以防明年或有風
沮船失斯為妥當此已前各年皆用此法者故
遼左不得以士馬饑疲委罪於山東耳今惟候
貴道酌裁今准前因擬合移覆為此合用手本
前去煩為裁酌施行等因移會到道為照海運
宜依部額不可縮于六十萬之內亦不可增于
六十萬之外其風波損失之數自應准作實數
似不必預為多運以補其缺且以荒歲民疲一
年支撐一年尚且不足似難多運接作明年以
不足而故示有餘也又前者因派無定額通融
衷挹以致錢糧難清焚如亂絲不可究詰且州
縣亦有存留供應之數按季支給若盡那之於
海運則措手為難各府亦有支存民屯之數以
備不虞若盡借之於海運則捉衿立窘鄙見謂

青州道 海運捕抄 平四
青登萊三府部派五十二萬五千石此定額也
登以荒故令青代派則登應減若干總之完此
額而止想亦竭蹶不勝矣因而酌量粒脚舟運
之費大約若干即以其數責之

藩司務要將各府加派之數如期發東三府各
屬不致失悞使各屬亦有所遵守以用其民而
錢糧亦得清楚此易簡直捷法也若曰各屬且
儘錢糧徵運不拘原派之額數大家不妨多運
以備不測之風波則所以贍遼者得矣恐疲民
不勝其求將有不堪之患錢糧焚無頭緒且滋
侵那之奸非細故也本道誼存共濟不立異同
但以替餉之術屢辭不得身在局中難作秦越
之視故復哓哓如此今准前因擬合再會為此
合用手本前去貴道煩將三府各屬應派遼餉
照依額數派定希會過道以憑查照施行准此
爲照錢糧原有額派自難盡移之於海運海運
原止湏六十萬本道亦非欲示之以有餘惟是
登州全荒顆粒無出故不得不借本色於青州

登州道
海運捕撈
而令登帑還其價青雖多徵而原非虧青之折
色溢登之本色也是卽

貴道所云令青代派則登應減若干之意也然
而登旣荒卽應明減其額青旣熟卽應明增其
額今乃陰為裒挹如此者蓋因登菜有加貴免
編之議業奉

兩院允行倘登州明減其糧則加貴之價無可
加而災民反受加編之徵故又不得不陰貸於
青而出價於登耳此卽

貴道所云恐疲民不勝其求將有不堪之患之
意也至於本道前文謂派徵之法寧寬其數以
備不時之須倘遇便風卽陸續運去接作明年
之數以防明年或有風沮船失云者其意原非
專於贍遼誠見東省荒年多而熟年少一荒卽
數倍其價一過秋冬卽熟年亦價騰不已有司
徵者亦未必及額派十僅可得七民間納者未
必皆在舊歲富家巨室每俟新春價貴而後納
官故寬派之則輸納者多迨其多也自可中止

而所謂不時之湏者如今年登州一荒價高三
倍幸有前年運剩之糧先發本年之運而後徐
議及糴貸於濟青若必本年徵糴本年發運則
當其風暖可行之月正在徵糧而不得運迨至
徵糧告竣而風勁水堅不能飛渡矣又云如遇
便風即可陸續運去接作明年之數者誠慮風
順利之難糧湊手之難而或一年偶順不妨將
明年者透運若干總在歲終扣算餘出者即截
作明年之數蓋非有心向遼而使遼之常享其
有餘良亦為東土計而欲東人免淪溺之患也
即如今年馬頭嘴傷船之後近日報傷者又接
踵而至賴去年先運四萬於遼故目下便可停
運否則六十萬之數未足船雖傷而不得不行
人雖溺而不得不往雖於稽查錢糧年頭扣定
為省事而逆風行舟又未免費力矣乃若運內
錢糧全在借用揀急而徐俟

藩司發下之日補還正項方克有濟若待
藩司發而後運無異望水於西江取飽於盡餅

卽如今年已運六十萬又當備三十萬以充明年上半年之運明年者固無望其來而已運者手繭筆秃未見發足也自有海運而錢糧色色借動紊亂之惧日夜怔忡誠有如

來札所慮者然而事勢如此雖欲不借動而不可得但

藩司之遲實由各屬之不解一解卽發發至卽補還正項則亦不患其不清楚也唯是

部文所動之錢糧原非見在之實數而東方歲歲六十萬之額則毫不許其減誠恐借之又借無所底止年復一年愈無還期此則欲邀

貴道寵靈合詞以請而思為運事尋一結局者也所定青萊登三郡糧數既荷同舟之雅不必派自本道統在

貴道斟酌希文知會即便轉行各屬遵行今准前因擬合移會為此合用手本前去

貴道煩請查照裁酌移文過道以憑查照轉行施行

一手本 萊州道

泰昌元年十月十八日

泰昌元年十月十三日

欽差專督遼餉戶部右侍郎兼都察院右僉都御

史李 一本為海運屢報遭風謹據實類報

併乞

謹斥愚臣以謝

天變以重軍需事照得海運從古稱難但以遼餉

數多非此莫可濟耳去歲芙蓉島遭風以來臣

驚懼皇皇無刻置念所幸今歲仰仗

宗社威靈海若效順由二月以至七月津登並運

南北齊開若南海口芝蔴灣咸為攸利一時大小文武臣工莫不舉手稱慶戴

國家如天之福而不意七八月間之屢次遭風也先准山東撫按二臣揭據海防道呈報七月初七日運舟遭值異變漂損百餘舟失糧四萬四千九百餘石臣一見之心膽俱碎方在席藁待罪之間隨該贛理司官會同天津道查據天津海防營中軍李在沐呈報八月初三等日所發糧船連遭颶風北岸漂失二十一舟內有糧在者三舟而漂失者十八舟南岸七月初五等日漂損十舟內有糧在者二舟漂失者八舟臣驚悸欲死即髮膚可殄何濟於事而遼餉緊急不得不為再發又八月二十及二十三等日發船三幫甫發而二十五六七三日狂風大起臣色變心危欲追無計隨據山海關萬通判報二十七等日有由蓋套回空淮沙等船漂損一十六隻由天津裝糧重船漂損七隻必由此三日之風所為也又據寧前道稟稱隨船漂至船戶有

報稱係天津運船遭風者有報稱登州運船遭風者俱漂至寧前地方又據廣寧道呈報漂舟一隻在岸又據寧前船戶尹思等投告於臣云係芝蔴灣運船遭風三隻漂至天津止一隻見在其船尚全等因隨接督臣書稱初九日南海口裝完糧船尚泊海濱忽遇陰霾大風亦損四隻內有糧二隻各到臣該臣看得淮船之失或有製造不精責有歸也至於津沙二船為破浪利器而前後報損二十餘隻則臣如手足之失矣往者遭風并失其糧而回者遭風亦損其船矣且登州應止於蓋套而漂至寧前則漂過信地數百里矣芝蔴灣應往遼東而反漂至天津則不北而南矣如此颶風異變海上船隻一任縱橫臣措躬無地悶絕再甦何天之不助順若此耶除行沿海司道備查漂糧的數係淮船中製造不精者將兩處原委官員行天津淮上二處司道究審追賠其沙船果係遭風者將損壞船隻修補漂喪水手查明優卹外再照今之海

報稱係天津運船遭風者有報稱登州運船遭風者俱漂至寧前地方又據廣寧道呈報漂舟一隻在岸又據寧前船戶尹思等投告於臣云係芝蔴灣運船遭風三隻漂至天津止一隻見在其船尚全等因隨接督臣書稱初九日南海口裝完糧船尚泊海濱忽遇陰霾大風亦損四隻內有糧二隻各到臣該臣看得淮船之失或有製造不精責有歸也至於津沙二船為破浪利器而前後報損二十餘隻則臣如手足之失矣往者遭風并失其糧而回者遭風亦損其船矣且登州應止於蓋套而漂至寧前則漂過信地數百里矣芝蔴灣應往遼東而反漂至天津則不北而南矣如此颶風異變海上船隻一任縱橫臣措躬無地悶絕再甦何天之不助順若此耶除行沿海司道備查漂糧的數係淮船中製造不精者將兩處原委官員行天津淮上二處司道究審追賠其沙船果係遭風者將損壞船隻修補漂喪水手查明優卹外再照今之海

運與

國初異

國初運止七十萬石照糧數以製舟一運即完今
運倍於當時大約二百萬之糧每船所載三四
五百石不等即盡以五百石計之須四千舟方
可足運而舟止六百隻須五六運始克終事其
津運之南岸也去須東風歸須北風由北岸也
去須西風歸須東風去風之便則回空者稀矣
歸風之便則發運者難矣每一發舟全徼天幸
而再之不止以致於四五番江湖之中且有風
波而况海上能保次次之無虞乎該臣發運一
次心隨舟往數日之內豈無一陣狂風輒毛髮
若竦中夜驚起以占其候息必待抵套報至方
始暫安而二運之船又發矣總計運道有南北
二岸南岸道迂島嶼重複誠若不便然逐日有
程遇風有停泊稽查有州縣損壞有形跡愈可
考證北岸道近三日順風能至誠若甚便然不
經州縣無地停泊一遇逆風入糧船隻俱莫可

問必俟抵套船數若干始知失去若干北岸之便而南危也此海上之大較也大抵船式不合水手私逃此人事之難齊也沙津二船之遭風南北二岸之互錯此天時之難料也兩者互有責焉而臣於此尤有竊慮者今歲原派山東六十萬之運詢催登道可必其全完其天津司道今歲心力俱竭運完去歲丁河守凍糧四萬四千一百九十餘石今歲所發截漕并豆自三月十九日起至六月二十日止共運過二十三萬六百餘石幸無漂失自六月二十一起至八月二十日止又發運過米豆藟糧共二十八萬六千八百餘石已溢其額不幸而近有漂失惟芝蔴灣之船精堅而數少不敷今聞南海口以補足之矣其淮上三十萬之運有淮徐道同心任事想已發舟不致稽悞第其菜糧之漂失太多津舟之損失再見則出臣意料之外耳而遼左以旱災告求增運矣運額既增則船隻益增臣已另有會疏

問必俟抵套船數若干始知失去若干北岸之便而南危也此海上之大較也大抵船式不合水手私逃此人事之難齊也沙津二船之遭風南北二岸之互錯此天時之難料也兩者互有責焉而臣於此尤有竊慮者今歲原派山東六十萬之運詢催登道可必其全完其天津司道今歲心力俱竭運完去歲丁河守凍糧四萬四千一百九十餘石今歲所發截漕并豆自三月十九日起至六月二十日止共運過二十三萬六百餘石幸無漂失自六月二十一日起至八月二十日止又發運過米豆薯糧共二十八萬六千八百餘石已溢其額不幸而近有漂失惟芝蔴灣之船精堅而數少不敷今聞南海口以補足之矣其淮上三十萬之運有淮徐道同心任事想已發舟不致稽悞第其菜糧之漂失太多津舟之損失再見則出臣意料之外耳而遼左以旱災告求增運矣運額既增則船隻益增臣已另有會疏

請派之數若芝蔴灣之多造若薊永二道之自為
委官雇造若天津之添造若沙船之添雇若浙
閩廣之協助已悉前疏矣但使派之而造者不
為即造雇者不為即雇其雇造之處不為委官
稽查而徒任臣等行之馬腹難及法令稽梏非
屑越之弊起則延緩之程悞矣此則望

天語叮嚀各省直諸臣共為同心預定雇造委官
職名嚴行參究之法者也至於秋風漸厲而遼
餉屢屢告乏臣于九月九日後又催舟發然談
虎色變人心惶惶臣亦無可柰何此番之船不
知抵套回空作何情景而臣之力竭心危發船
之後如履薪抱冰而處以待回音臣為此屢受
驚悸合眼即見洪濤怔忡吐血性命如綫但以
重任在躬

國郵疊見不敢言病耳至於海運遭風失損船糧
傷殘人命上不能弭

天變下不能修人事皆臣一人之罪惟乞

聖明速賜重譴微臣而將今歲增運造雇船隻事

登州道
海運捕抄
宜照臣前疏事理嚴行省直督撫責成司道有
司上緊報完毋得秦越相視務求刻期濟事庶
天變可回軍儲有藉矣臣不勝皇悚待
命之至

泰昌元年十月十四日

欽差專督遼餉戶部左侍郎兼都察院右僉都御
史李一本題為議舉賢能監司加銜海運

以重軍需事照得遼餉數多海運煩重該臣原
派山東運六十石天津運截漕及真保河等處
召買共五十餘萬石淮上運截漕三十萬石其
薊亦等處召買議由芝蔴灣此原議之大槩也
在天津派數差等于山東而多于淮上及查天
津今歲二月間運過去歲守泊漕糧四萬五千

登州道
海運
宜照臣前疏事理嚴行省直督撫責成司道有
司上緊報完毋得秦越相視務求刻期濟事庶
天變可回軍儲有藉矣臣不勝皇悚待
命之至

泰昌元年十月十四日

欽差專督遼餉戶部左侍郎兼都察院右僉都御
史李一本題為議舉賢能監司加銜海運
以重軍需事照得遼餉數多海運煩重該臣原
派山東運六十石天津運截漕及真保河等處
召買共五十餘萬石淮上運截漕三十萬石其
薊亦等處召買議由芝蔴灣此原議之大槩也
在天津派數差等于山東而多于淮上及查天
津今歲二月間運過去歲守泊漕糧四萬五千

石及開北岬頭運自三月至七月運過截漕并
菊豆共二十三萬六百三十餘石次運自七月
至九月運過截漕并菊豆共二十八萬六千八
百餘石其自二月至七月攸往無虞近八月報
有遭風船四十餘隻而到岸之數該同知張文
達揭報收過四十五萬餘石其八九兩月并發
運之船尚未報抵套之數是津門之運溢于原
數十分之二矣又關門之糧積滯難前該督臣
文行永平司道近開南海口以達蓋套遇順
風以晝夜可至此道一開而關門及薊永召買
俱皆利涉此督臣同心共濟而所用者亦天津
協助之船也查得登州淮揚二道已加海運職
銜獨天津道叅政賈之鳳未加殊屬缺典該按
臣王象恒關臣董元儒監臣倪應眷復
命疏內俱特舉該道加銜以終海運諸臣咸目擊
地方勞苦功高以禪遼餉意甚盛也除諸臣已
經復

命專疏外其保定新撫臣尚未到任該臣會同總

督薊遼保定等處兼理糧餉經畧禦倭兵部右侍郎兼右僉都御史文 督餉省直監察御史萬 看得天津道叅政賈之鳳地負海涵之噐經文緯武之材指揮計重金湯飛輓實裨軍國運數既倍勞績宜先委應加銜久任以終其事者也伏乞

勅下吏部如果臣言不謬將叅政賈之鳳特加按察使職銜專管海運則運務得人而遼餉有賴矣再照遼餉未已各處運務劬勩需材俱急其登州道陶朗先氣負滄溟材優舟楫首開海運派數獨多兩歲之間遼左賴其接濟茲本官俸及三載兩院原疏部覆已允優叙近益臣疏又叙及所當加銜優擢以酬其勞者也濟南分守道程啓南品重器彛節堅金石素為東人所愛戴茲以濟南協運撫按二臣具疏加銜俾其輕車就熟極為淨人者也淮徐副使岳駿聲濟川巨手負海弘猷其造千斛之舟開淮海之運備極苦心應候截留三十萬石糧運抵遼之日一

督薊遼保定等處兼理糧餉經畧禦倭兵部右侍郎兼右僉都御史文 督餉省直監察御史萬 看得天津道叅政賈之鳳地負海涵之器經文緯武之材指揮計重金湯飛輓實裨軍國運數既倍勞績宜先委應加銜久任以終其事者也伏乞

勅下吏部如果臣言不謬將叅政賈之鳳特加按察使職銜專管海運則運務得人而遼餉有賴矣再照遼餉未已各處運務劬勦需材俱急其

登州道陶朗先氣負滄溟材優舟楫首開海運派數獨多兩歲之間遼左賴其接濟茲本官俸及三載兩院原疏部覆已允優叙近益臣疏又叙及所當加銜優擢以酬其勞者也濟南分守道程啓南品重器彛節堅金石素為東人所愛戴茲以濟南協運撫按二臣具疏加銜俾其輕車就熟極為淨人者也淮徐副使岳駿聲濟川巨手負海弘猷其造千斛之舟開淮海之運備極苦心應候截留三十萬石糧運抵遼之日一

併優議加銜至於臺臣建議專設海運道臣與該道同心共濟尤可立見成功所宜速選才望之臣以勝斯任者也凡此皆撫按鹽漕諸臣所疏言者臣等職司海運敢總為會疏上

請并乞

勅下吏部將陶朗先程啓南各照原疏上

請加銜岳駿聲候運成併議優加新建海運道臣遴選推補則沿海諸臣濟濟得人而餉務大有裨益也



